

廣東考古輯要卷四十四

釋老

釋

迦摩羅梵僧也太康二年自西竺來於城中建三歸王仁二寺
今故址猶存

支法防晉沙門也哀帝時同袁宏登羅浮山訪單道開石室見
形骸具在燈火瓦器尚存羅浮向屬仙山釋教之興始此

三藏法師雲摩罽賓國僧也安帝時至廣於城西虞翻苑創梵
寺曰王園寺

求邠跋摩累世爲王年十四相工見而謂曰君年三十當南面
稱尊若不樂世榮當獲聖果至年二十出家受戒元嘉初文
帝知跋摩已至南海於是勅州郡合資發下京路經始興停

廣東考古輯要卷四十四

釋老

歲許始興有虎市山改名靈鷲於山寺之外別立禪室去寺
數里每至鳴椎跋摩已至或冒雨不霑或履泥不濕嘗於殿
北壁自畫羅漢像每夕放光山本多虎跋摩或以杖按頭戲
之而去於是山旅水賓去來無梗又嘗於別室入禪累日不
出寺僧遣沙彌候之見白獅子緣柱而立巨室生青蓮花大
呼往逐豁無所見元嘉八年汎舟達建安文帝引見勅住祇
洹寺供給隆厚

杯渡不知姓名嘗乘木杯渡水因以爲號初在冀州不修細行
嘗寄宿一家竊其金像家主覺而追之不及乃達京師有齊
諧者其妻病眾不能治杯渡至一咒而愈齊諧伏事爲師元
嘉中辭諧至赤山湖病死諧葬之覆舟山後復來齊諧家須
臾辭去云貧道當向交廣之間不復來也嘗以杯渡海慈顏

屯門山後人因名曰杯渡山

菩提達摩大師南天竺國香至王第三子姓刹帝利本名菩提多羅二十七祖般若羅多謂曰汝於諸法已得通量夫達摩者通大之義也宜名達摩因改號梁普通八年至南海武帝遣使迎至金陵後隱嵩山少林寺遇毒卒其年魏使宋雲於葱嶺回見之門徒發其墓但有衣履而已

貞俊禪師本在舒州上元延祚寺梁普通中清遠峽山有神人化爲遊方居士夜叩禪師寢曰峽據清遠上遊吾欲建一道場定立勝概師居之乎師諾之中夜風雨大作遲明啟戶寺已徙至峽山師乃語偈曰此殿飛來安不回去忽聞空中有人應曰動不如靜郡上其事賜寺額曰至德

智藥禪師天竺國僧也武帝時來海上至韶州曹溪開山立石
廣東考古輯要 卷四十四 釋老 二

寶林乃預記一百七十年後有肉身菩薩來此演法至唐六祖傳衣鉢於曹溪果符其說卽今南華是也神異莫測普通中受龍王請入海演法不返

景泰禪師頭陀僧也初羅浮未有僧大同中師始駐錫誅茅爲庵居焉頗有道術廣州刺史蕭譽每召與語朝遊南海暮宿羅浮時謂聖僧始至山中無泉已而卓錫於地泉湧數尺號爲卓錫泉譽因建寺於庵所題曰南樓寺嘗說法有龍來聽人號其處爲龍王坑後入定而逝

愷法師居韶州名僧也梁江總經始興廣果寺題愷法師山房詩息舟候香阜悵別在寒林竹近交枝亂山長絕徑深輕飛入定影落照有疎陰不見投雲狀空留折桂心

惠越禪師開皇時人有戒行雲遊至羅浮嘗居巖下引虎枕其

膝後以其所居爲伏虎巖

法善有道術隋煬帝時南海郡送之帝令宮內安置久之帝厭惡後始信爲非常人有疾臥床去薦席熾炭火於床下半身皆焦卒葬香山後開棺視之則無所有

契虛禪師本李氏子志慕仙術一日山行爲異人棒子所導至葛稚川真人仙府真人曰汝絕三彭之仇平契虛不能對三彭三尸也後爲僧居羅浮坐卧胎息化去

圓覺者羅浮僧也唐大厯間人撫州有僧曰惠欽建寶應寺律藏院戒壇奏請山林高行僧三七人圓覺與焉

惠能父盧氏諱行瑫本貫范陽左降流於嶺南李氏夢庭前白花競發白鶴雙飛異香滿室覺而有孕懷六年師乃生黎明有二僧造謁謂師父日夜來生兒爲安名可上惠下能也言

廣東考古輯要

卷四十四

釋老

三

畢不見不飲母乳有神人灌以甘露三歲喪父母守志鞠養移來南海賣柴爲市聞客誦經心卽開悟乃往黃梅參禮五祖一日會眾傳法弟子神秀呈偈出於壁間身是菩提樹心如明鏡臺時時勤拂拭勿使惹塵埃能不識字聞人誦之乃爲偈請人書其側曰菩提本無樹明鏡亦非臺本來無一物何處惹塵埃祖見之偈曰亦未見性次日與能說金剛經言下大悟卽以達摩所傳衣鉢授之曰速去恐人害一日至廣州法性寺印宗延至上席日久聞黃梅衣法南來莫是行者否能曰不敢於是爲惠能剃髮願事爲師次年辭眾歸寶林至曹溪中宗遣內侍迎請不赴先天中遂遷化憲宗謚大鑑禪師宋太宗加謚大鑑真空禪師

按屈晦市華言達摩梁時持衣鉢航海至廣州後居

嵩山少林寺以法傳慧可慧可傳僧璨僧璨傳道信道信傳宏忍宏忍傳惠能惠能傳於達摩在中土爲六世故謂之六

祖是時神秀在北世稱北宗惠能在南世稱南宗其徒有法
海法達志誠神會智通志徹志道皆粵東人之久住南華者
道廣郴人姓朱氏駐錫超州仁壽臺羣丐所居與臺密邇師日
持孟化食以所得同之一器爲和羅飯天寶元載大旱謂人
曰雨將至矣須臾陰雲滿空霖雨沛下元豐賜謚寂通證誓
大師

一行早歲不羣師事普濟禪師時有盧鴻者齋所爲文至寺一
行一覽輒誦鴻驚謂濟曰是非君所能北面也當縱其遊學
一行因窮大衍徧遊方外神龍初至岡州居圭峯卓庵山巔
弟子雲元等相從五百餘人有黃雲之異因名黃雲山按西陽雜俎諸書皆無一行至廣南之說黃雲山事見輿地紀勝亦但云唐一行而已疑此僧別是一人非著大衍歷之一行也
歸南姓黃氏新會人生唐開成四年性慧知術數幼牧牛時遇
旱語父老曰能以角黍相惠乎如其言果雨因以仙童呼之

廣東考古輯要

卷四十四

釋老

四

長益精修禪行後重九日與兄斗南登高大報山趺坐而化
元慧常居羅浮後至連州寺韓愈時爲陽山令重其戒操贈之
以詩蓋高僧也

惠照朔州僧大顛藥山皆師事之潮之西山卽其所棲處蓋曹
溪之派也余靖有惠照大師詩

簡師不知何許人爲僧吉州聞韓愈諫迎佛骨得罪貶潮陽謂
人曰大士涅槃示寂豈以形骸爲哉侍郎闕之誠是也吾不
憚瘴癘願往見求皇甫湜作序贈之世稱其無礙

寶通號大顛俗姓陳氏或曰楊姓先世爲潁川人生於開元末
大厯中與藥山惟儼並師事惠照於西山正元初居羅浮瀑
布巖元和中刺史韓愈貶潮州聞大顛名召至留十數日謂
其能外形骸以理自勝爲難得未幾愈移袁州留衣爲別其

見賞如此長慶中年九十三一日告辭大眾而逝所著有般若波羅蜜多心經及金剛釋義墓塔在靈山寺左唐末賊發之惟舌根猶存如生瘞之號瘞舌塚宋時鄉人又發視惟一古鏡叠石藏之號舌鏡塔

金剛仙西域人唐時居清遠峽山寺能咒物物無不應善拘囚鬼魅束縛蛟螭動錫杖一聲召雷立震後歸天竺

惠林姓鄧氏曲江人少學儒喜談王伯旣而誦梵經披剃遊方以詩鳴江淮間博覽廣記推爲文章僧參洞山自寶密受心印南還結白蓮庵余靖題之以詩

道隆海陽人姓黃氏得心印於汝州璉禪師至和初遊京師宋仁宗夢黃龍蟠地明日召對上悅有旨館大相國寺王公貴人爭見之因進偈上覽賜以紫方袍號圓明大師

廣東考古輯要

卷四十四

釋老

五

重辯南華寺僧蘇軾謫惠時遊南華寺辯延館加厚又請書柳碑軾至惠以桃榔杖寄之比從北海南還則辯已寂久矣乃以茗果奠其塔又有珪首座者受請爲龍光山長軾過求大竹作肩輿留一偈云斫得龍光兩竹竿持歸嶺北南人看竹中一滴曹溪水漲起西江十八灘軾喜禪學故所至緇流皆樂與之遊

僧德居羅浮戒律精嚴蘇軾有送拂面杖與德長老詩云十方三界世尊面都在東坡掌握中送與羅浮德長老攜歸萬竅總號風

卓契順蘇州定慧院僧蘇軾謫惠州嶺南隔絕諸子憂愁契順謂邁曰惠州不在天上行卽到耳當爲子將書問之紹聖三年契順涉江渡嶺徒行露宿至惠州得書徑還軾問其所求

答曰惟無所求而後來若有求當走都下矣

芝上人名曇秀軾在惠州秀來訪軾題其詩卷云予在廣陵曇秀作詩予和之後五年曇秀來惠州見予蓋軾以壬申知揚州至是恰五年矣

琮師遂溪人姓孫氏居湖光巖擢拔流俗足不入城市建炎中丞相李綱貶雷遊巖師來謁時官僚欲見琮長往不顧李綱以詩及布贈焉

祖堂禪師夙通禪秘建靈源閣既成往惠州求記於東坡惠有古藏佛腦骨出舍利公以犀帶易之欲施之而未言堂歸數月一夕夢赤蛇吐珠於壁驚悟曰公作文成矣卽往以夢告公喜出佛腦舍利示之堂迎歸藏於閣上未幾堂謝事去東廡有二柏忽枯死眾迎歸柏再榮東坡有再生柏贊

廣東考古輯要

卷四十四

釋老

六

大峯不詳姓氏始來自閩潮陽縣西和平里有大川波流湍急每遇風濤覆舟爲患大峯發願建石梁以渡眾生計十九洞惟南北枕岸兩洞未完而大峯圓寂邑人蔡貢元完之相傳大峯造橋時牒城隍及水府潮汐不至者七日里人立廟祀之

真空禪師泉州人嘉靖間來遊羅浮止永福寺歸善葉萼葉夢熊相與友善嘗以三錦囊遺夢熊曰子他日有軍國大事乃開視也後夢熊督師誅劉磁啤屢立軍功多出其中秘畫崇範名宏戒邑城人俗姓余少習舉業見其母信佛範亦篤信後棄家祝髮依鼎湖門下戒律精嚴性喜放生聞虎傷人惻然夜起披衣持鉢入空山中爲虎說戒吳中玉林和尚聞其名南望稽首曰此西方聖賢也

旃賜真陽人禪學甚博撰禪宗蒙求又刊捉麤軒記流傳洪丞
相适內翰邁與之遊邁題有詩

法廣真陽人儒釋兼通住金山哀諸僧記摘其要爲一集始自
生滅蓋於盛衰報應曰會要錄

祖演雲峯庵主也開禧中人定庵中跏趺終日短髮金色文溪
李昉英贈以詩云一庵移向白雲堆檜柏參天少日栽頗怪
髮如金線樣想曾眼見鐵橋來佛粘土壁煎茶供官對蒲團
取芋煨却笑老盧懷鉢走只能說出鏡非臺惠守雪廬趙汝
馭尤敬之亦贈以詩

神定道人從其師普通來居泉源以禪定爲業諸方學道者咸
宗之其所居曰獅子庵王胃爲之記

老

廣東考古輯要

卷四十四

釋老

七

五仙人周時南海有五仙人騎五色羊各持穀穗一莖六出衣
與羊色各如五方降於楚庭遺穗騰空而去羊化爲石城因
以名

浮邱公南海人周靈王時偕王子晉入嵩山後適羅浮得道常
往來廣州西門外後人指其地建浮邱社塑像祀之

安期生邛邪人賣藥東海邊時人皆言千歲始皇異之賜以金
璧直數千萬安期生去而置之阜鄉亭以赤玉舄爲報留書
曰千歲後求我於蓬萊山始皇使徐福多齋珍寶入海求仙
藥不得乃立祠阜鄉亭及海邊數十處安期生在羅浮時嘗
采澗中菖蒲服之至今故老指菖蒲澗爲飛昇處按記載家
皆謂安期
生有二一以大棗食李少君者一姓鄭采菖蒲者考漢書郊
祀志安期生與李少君大棗如砥其註中引劉向列仙傳云
安期生邛邪阜鄉人賣藥海邊與此
條同可知采蒲與棗仍屬一人也

桂父常食桂葉見者知其神尊事之一旦與鄉曲剽然人雲其服桂及葵以龜腦和之千九十斤桂采諸育隅之東有累世見之者今荊州之南尚有桂花焉

東郭延年方士也為曹操所錄問其術而行之自秦時隱居增城山數百年如壯者嘗服靈飛散自言得之李少君煉服九鼎丹能在暗室中夜書又身內生光遠照小物見其采色能役使鬼神忽一日數十人乘虎豹來迎之延年遂詣崑崙山去增城山即羅浮山也

毛公漢初人名翁唐令狐楚云太湖中有西洞庭山山中有毛公塢毛公道成移居羅浮山三百餘歲弟子七十二人

朱靈芝其先大宛人後徙北谷師事太素真人受青精飢飯方餌之能一日九食亦能終歲不饑棄捐妻孥南來羅浮隱居

廣東考古輯要 卷四十四 釋老 八

修煉有五色鳥銜赤芝取而茹之初無名字人稱青精先生至是因名靈芝復得玉珮金璫之道禮華蓋隱元之星叱咤風雷攝召鬼神乃白日昇天而去

華子期淮南人師事角里先生授隱仙靈寶方書一日伊洛飛龜秩二曰伯禹正機三曰平衡方按合服之漸還少壯日行五百里力舉千斤一歲十二易其形後仙去居羅浮

姚俊字翁仲錢塘人少為郡吏漢末入增城山學道遇秦時東郭幼平授俊服九精鍊氣輔星存心之術道成在東華宮中為北河司命

康容道士也漢末隱韶州芙蓉山煉丹昇仙山半有庵丹竈遺址尚存瀘陽有方七千者於果業寺東嶺鍊金變形羽服登仙又五代時有黃步松者隱身不仕嘗修煉山中遇葛仙點

悟丹成羽化而去後人名其所居曰遇仙洞卽今之南山寺也

甘始者太原人善行氣不飲食又服天門冬老而有少容曹植嘗辟左右問其所行始言本師姓韓名雅常與師於南海作金前後數四段數萬斤於海植欲試其術曰非出塞求藥不能也

盧耽仕州爲治中少有棲山之術善解飛每夕輒凌虛歸家曉則還州曾元會曉不及朝則化爲白鶴至閣前迴翔欲下威儀以箒擲之得一隻履耽乃驚還就列時步隲爲廣州刺史惡之以狀問被誅

王佐字子陽太原祁人少知長生之道入中嶽遇武陵黃敬授以訣曰天關之中有輔星想而見之翕習成赤童在焉持朱

廣東考古輯要

卷四十四

釋老

九

庭指而搖之煉形身消遣三尸除死名審能守之可長生失之不久淪幽冥佐受而行之南來遯居羅浮修九年後飛昇潘茂名潘州人永嘉中入山遇二道士奕棋立觀久之道士顧謂曰亦識此否答曰入猶蛇賣出似雁行道士笑可其說因語之曰子項骨貫於生門命輪齊於日月若修煉可輕舉授以服食黃精不死之法於東山採藥煉丹於西山白石上昇今有潘山石船丹竈遺址後千有餘年知府孔鏞來守高涼遇之於筆架山

葛元字孝先瑯琊人慕長生不死之道乃入天台赤城上羅浮煉丹得仙號葛仙翁嘗斬皂莢樹爲杯用以盛酒酒味益妙葛洪字稚川丹陽句容人性寡欲無所愛不好榮利閉門究覽典籍尤好神仙之術從祖元吳時學道得仙號曰葛仙翁以

其煉丹秘法授弟子鄭隱洪就隱學悉得其道後師事南海太守上黨鮑元元亦內學見洪深重之以女妻洪洪見天下已亂欲避地南土會譙國稽含見用爲廣州刺史乃表請洪爲參軍以年老欲煉丹祈遐壽聞交阯出丹求爲勾漏令帝以洪資高不許洪曰非欲爲榮以有丹耳帝從之洪遂將子姪入羅浮煉丹自號抱朴子在山積年著述不輟博聞深洽江左絕倫所著篇章富於班馬因以抱朴子名書卒年八十一顏色如生舉尸入棺甚輕如空衣世以爲尸解得仙

黃野人葛仙弟子葛旣仙去留丹柱石間野人自外至得一粒服之爲地行仙近有人遊羅浮宿巖谷間中夜見一人身無衣而紺毛覆體意必仙也再拜問道其人不顧長嘯數聲響振林木歌詩云雲來萬嶺動雲去天一色長嘯兩三聲空山

廣東考古輯要

卷四十四

釋老

十

秋月白

鮑靚字太元東海人學兼內外明天文河洛書官南海太守嘗行部入海遇風飢甚以白石煮之以自濟後隱跡潛遁莫知所之

單道開敦煌人升平中鄴中大亂至南海入羅浮山獨處茅茨蕭然物外年百餘歲卒弟子移尸入石室後陳郡袁宏爲南海太守至石室見道開形骸如生香火瓦器猶存乃爲之贊
廖冲字清虛連州人仕梁歷官湘東王常侍王喜談老子冲嘗進無欲之說大通中挂冠歸隱城北三十里有靜福山峯巒環抱檜柏陰深爲洞天七十二福地之一冲結廬焉後仙去人目其地爲廖仙巖

清遠道士不知何代人唐時因沈恭子遊虎邱留題自稱生長

殷周顏魯公真卿酷愛其詩爲刻巖石間因而繼作有名高
清遠峽文聚斗牛津之句李德裕皮日休陸龜蒙諸賢皆可
而和之意其人爲名山福地神仙者流也

葉法善字道元居處州松陽縣四代修道皆以陰功濟人則天
徵至神都尋爲武三思所忌竄於南海後入洪州西山養神
修道

申太芝字元之洛陽人其母楊夢吞芝而孕故名稍長修道嘗
遊南嶽遇異人授金丹火龍之術遂能乘虛元宗感夢求得
之召至京師言論契合命住元真觀道術最高出入不可測
所著有服氣要訣世稱爲天師亦曰仙翁肅宗卽位以其靈
異尤寵幸之後坐妖妄罪伏誅道流謂其兵解

韓湘字清夫愈之猶子學道成仙少時落魄不羈愈強之婚宦

廣東考古輯要

卷四十四

釋老

十一

不聽勉之學乃笑作詩有能開頃刻花之句公曰汝能奪造化
開花乎湘遂聚土覆盆良久曰花已發矣舉盆乃碧花二
朶葉間有小金字乃詩一聯云雲橫秦嶺家何在雪擁藍關
馬不前公未曉詩意湘曰事久方驗公後貶潮陽有一人冒
雪而來乃湘也湘曰憶向花上之句乎公詢地名卽藍關嗟
歎命筆續成全篇云一封朝奏九重天夕貶潮陽路八千欲
爲聖明除弊事肯將衰朽惜殘年雲橫秦嶺家何在雪擁藍
關馬不前知汝遠來應有意好收吾骨葬江邊愈因留之同
傳舍作詩湘答之遂去

羅浮先生軒轅集年過百歲顏色不衰民家具齋飯邀之雖一
日百處無不分體而至若與人飲卽袖出一壺纔容二三升
縱賓客滿座傾之彌日不竭人或病以布巾拭之無不應

手而愈宣宗晚好神仙遣中使迎集於羅浮至京師召入謂曰先生遐壽長生可致乎曰撤聲色去滋味哀樂如一德施周給自然與天地合德日月齊明何必別求長生也及退上遣嬪御取金盆覆白鵝以嘗之召令速至纔及玉階謂曰盆下白鵝宜早放之宣宗笑曰先生已知之矣留之月餘還山劉潛小字宜哥桂陽人唐宰相瞻之兄也家貧好道入羅浮山初與瞻俱讀書爲文嘗謂瞻曰鄙必不第則逸於山野爾得第則勞於塵俗不及鄙也沒瞻謫曰南行次廣州朝臺泊舟江濱忽有了角布衣少年來見以白瞻瞻驚歡迎入見之瞻顏可二十瞻則皤然衰朽爲逐臣悲喜不勝於是同舟行話平生隔闕之事一夕失瞻所在今羅浮山中時有見者瞻遂南行卒於貶所

廣東考古輯要

卷四十四

釋老

三

鄧守安字道立不知何許人羅浮道士有道者也蘇軾謫惠州素重之好爲勤身濟物之事爲廣惠人所敬慕嘗於惠州建浮橋以濟度者軾捐犀帶助役賦詩以落之

鍾鼎不知何許人遊文章里金溪寺托以燒鉛煮汞爲事寺有丹竈三十六一日因涉溺死後有人見於羊城東坡謫官至廣州枉道訪之今蘇渡猶傳其名

陳楠字南木號翠虛博羅白水巖人以盤龍緇桶爲生浮沈世俗人無知者嘗作盤龍頌緇桶詩其言超悟後得太乙刀圭之法歸羅浮以丹法授白玉蟾乃入水而逝玉蟾曰此水解也所著有翠虛妙悟全集

韓生嗜酒自云有道術嘗挹一藍持匏杓出就庭下以杓酌取月光作頰瀉入藍狀人問之曰風雨夜黑取杓揮之月光如

畫留此備緩急爾

葛長庚字白叟福之閩清人母夢食一物如蟾蜍覺而生長庚時大父董教瓊管是生於瓊七歲能詩九歲父亡母改適長庚師翠虛陳泥丸學道得太乙刀圭之妙九鼎金丹之書始棄家從師遊海上至雷州繼白氏後改姓名曰白玉蟾嘉定中有旨召見遁去後伏闕上言天下事阻不得達至臨江躍入江中人皆謂水解矣未幾見於融州老君洞逾年又見隴蜀莫知所終

鄒師正羅浮道士也嘗至冲虛觀撰有羅浮指掌圖傳世郡文學掾王胄爲之贊

魚肉道人成都人生於大觀間常至羅浮黃野人取魚肉與之自此能啖生魚肉紹興中召入宮御製贊賜之曰不火而食

廣東考古輯要

卷四十四

釋老

三

太古之民不思而書莫測其神外示朴野內含至尊白雲無

跡紫府常春

朱橘號翠陽惟西安慶人母嚴氏夢吞一星大如斗已而娠十月五日有道人持一物如橘與母問名氏則曰吾橘君子也移時而橘生父異之因命名橘子生而聰慧有志儒業尤精易數謂丹道造化之妙無出於此因往惠之博羅遇道士手持一橘且行且歌橘拜而問曰真人非橘君子乎道人驚曰子何人也橘以姓名告道人乃指前山一大石約以明日早至吾當度汝及往道人已先坐於石上日來何遲遂以心傳口訣付之橘遵其教入皖公山築室修煉遂化去

無語道人姓唐不知其名乾道中至羅浮請於經略使龔茂良買菴以居茂良戲以詩答之

梁彌仙不知何許人號青霞道人嘗遊廣州居斗南堂廣帥馬天驥作城頭月贈之文溪李昂英和之遂錄爲一通跋其後一時傳誦彌仙由是知名

蕭集虛不知何許人元末爲琪林觀道士自號止菴道人後居羅浮修煉能詩文與五先生友善

袁金蟾陳白沙門人袁暉仲子少好學仙終身不娶獨坐臥一室中結髮成球嘗宗白沙詩有夜深山色靜明月滿西川之句年八十四卒後有人見之增城山中

林癸午不知何許人年十餘爲人牧牛每出牧止以簫管一枚箕踞自適牛有逸者取簫畫地牛不敢踰旣長忽習巫求神治病應口而愈萬歷中飛昇

葛道人自云葛姓遊憩葛岸五岳神廟鄉人病疫道人以葛屑

廣東考古輯要

卷四十四

釋老

古

和藥調之輒愈求者日眾題柱而去詩曰羅浮山下策枯藜琪樹瓊林屬品題兩腋天風何處去錦巖西更碧雲西錦巖碧雲皆西樵山峯莫知所之